



KOMUNIKADO PA PRENSA

Fecha

11 di novèmber 2013 Jhanirha Anita

Account Manager

Email

jhanirha.anita@gobiernu.cw

Nr.

MINISTER BALBORDA TA INSPEKSHONÁ WEG NAAR WESTPUNT

Willemstad – Minister Balborda di Ministerio di Tráfiko, Transporte i Planifikashon Urbano huntu ku Servisio pa Obra Públiko i kontratistanan a hasi un inspeksion resientemente riba e kaminda di Weg naar Westpunt. A tuma nota di e trabounan ku ta tumando lugha i tambe a gradisí habitantenan pa e pasenshi demonstrá.

A kuminsa ku e trabounan na aprel di e aña aki i esakinan kana den diferente fase. Fase 1 tabata entre Grote Berg i subida na Kleine Berg i a keda realisá den 8 siman. E trabounan tabata tin un largura di 1.2 kilometer. Fase 2 tabata entre bahada di Kleine Berg te ku parti pabou di Daniel Soda Fountain i a keda realisá den 7 siman ku un largura di 1.2 kilometer. Fase 3 tabata na Kleine Berg ku a keda ehekutá den un wikènt i tabata 400 meter di largura.

Trabounan ku a keda realisá durante di e tres fasenan menshoná tabata entre otro: 1) Fris e asfalt komploto riba e kaminda pa laga inspeksioná e fundeshi eksistente, 2) Hasi ahustenan na e fundeshi kaminda tabata nesesario, 3) Hancha e karetera di 6 meter pa 7 meter, 4) Pone midinan nobo pa ku e sistema di drenaje, 5) Pone asfalt nobo. Por último, e karetera lo bin dispone di strepinan ('wegmarkering') na banda i mei-mei. Tambe lo bini reflektornan riba e kaminda, na ambos banda di e kaminda, pa un mihó refleho di e rant di kaminda.

Na e momento aki, nos a start ku e fase 4 entre Krakeel i Pompstation Gibi Djaoen. E fase aki tin un largura di 3.4 kilometer i lo finalisá den medio desèmber. Aki tin un parti di e kaminda ku lo haña un kapa di asfalt di 4 sentimeter, ya ku anteriormente a realisá sierto trabounan di mantenshon na esaki kaba. Lo tin tambe un pida ku lo laga remplasá e fundeshi eksistente si ta nesesario i laga pone dos kapa nobo di asfalt di 9 sentimeter.

E último fase di e proyekto, esta fase 5, ta e tramo entre Daniel Soda Fountain i e hanchi di Weg naar Jan Kok na Tera Cora. Lo inisiá e trabounan na janüari 2014 i lo terminá na medio febrüari 2014. E trabounan lo tin un largura di 1.7 kilometer. Trabounan ku lo keda realisá pa ku esaki ta meskos na e fasenan anterior.

Minister Balborda ta gradisí tur habitante i usuario di e karetera aki pa e kompreshon i koperashon ku nan a demonstrá durante ehekushon di e trabounan aki. Esakinan sigur ta na benefisio di primariamente e habitantenan, usuarionan i pueblo di Kòrsou en general. Pueblo di Kòrsou por sigui e ultimo desaroyonan Minister Balborda via di su página Facebook 'Earl W. Balborda, Minister VVRP'.